



Stine Egede
Inuit Ataqaatigiit sinnerlugit Inatsisartunut ilaasortaq

§ 37 naapertorlugu apeqqummut 298/2019-imut akissut.

09-09-2019
Suliap nr. 2019 - 19305
Allakkat nr. 11563117

1. Naalakkersuisut nukappiaqqat nivarsaqqatuulli HPV-mut akiuussutissamik akeqanngitsumik tunineqartalernissaat pilersaarutigaat?

Akissut:

Naalakkersuisut maannakkuugallartoq nunatsinni nukappiaqqat HPV-mut akiuussutissamik kapineqartalernissaat pilersaarutiginngilaat. Nunatsinni Nakorsaaneqarfimmiit innersuussutigineqartutut meeqqat akiuussutissamik kapitittarnerannut pilersaarut malillugu meeqqat tamarmik kapitinnissaannik qulakkeerinninnissap unamminareenera tamatumani ilaatigut pissutaaqataavoq. Tamatuma kingunerisaanik akiuussutissamik kapisisarneq ullumikkut atuuttoq naammaginangilaq. Akiuussutissamik kapisisarnermut pilersaarut siamarterniarlugu aqutsisoqatigiinnik pilersitsisoqarpoq, tamatumani pingaarnertut siunertaavoq meeqqat tamarmik akiuussutissamik kapineqartalernissaannik qulakkeerinninnissaq. Taamaattumik Naalakkersuisut inassutigaat pilersaarummik annertusaanermik aallartitsisoqannginnerani akiuussutissamik kapisisarnermut pilersaarut atuuttoq siararterneqassasoq WHO-llu piumasaaqaataanik eqquutitsissasoq. Tassunga tunngatillugu malugeqquneqarpoq nukappiaqqat HPV-mut akiuussutissamik kapineqartarnissaat WHO¹-p manna tikillugu innersuussutigingimmagu.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

**2. A. Apeqqut 1 aappiuppat – Qaqagu tamanna pissava?
B. Apeqqut 1 naamiuppat – Sooq Naalakkersuisut taamanna pilersaarutiginngilaat?**

Akissut:

Apeqqummut 1-mut akissut takuuk.

Inussiarnersumik inuulluaqqusillunga

Martha Abelsen

¹ https://www.who.int/immunization/policy/immunization_routine_table1.pdf?ua=1